



Codsiyada ayaa ku eg 5:00 PM bisha Abriil 16, 2021

Seattle Public Utilities (SPU, Adeegyada dadwaynaha ee guriga ee Seattle) ayaa hadda aqbalaysa codsiyada deeqda mashruucyada bulshada ee diirada lagu saaraayo kahortaga wasakhda. Kahortaga qashinka waxaa loola jeedaa yaraynta wasakhda si waxyaabo kuwii hore kayar u maraan dib u warshadayn, shidid, iyo xabaalid. Markaan kahortagno qashinka, waxaan caawinaynaa bii'ada, waxaan difaacaynaa caafimaadka dadwaynaha, waxaana dhisaynaa bulshada, waxaana badbaadinaynaa lacag.

Yoolalka barnaamijka deeqda:

- Taageerida hogaanka bulshada iyo hal abuurka ku aadan kahortaga qashinka
- Kordhinta helitaanka bulshada ee ku aadan fursadaha kahortaga qashinka
- Difaacida bii'ada ayadoo la adeegsanaayo tashiilida khayraadka iyo yaraynta sunta hawada iyo wasakhda
- Yaraynta tirada alaabaha lagu daraayo qashinka gudaha Seattle

Maal gelinta:

- Waxaa loo diyaariyay lacag wadarta guud ay tahay \$200,000 oo lagu bixinaayo mareegtaan deeqda.
- Codsiyada deeqda ayaa u dhaxayn kara \$3,000 illaa \$40,000. SPU ayaa xaq u leh inay ku bixiso deeqda cadad yar ama cadad wayn.
- Abaal marinada deeqda ayaa lagu bixiyaa qaab magdhaw ah.
- Mashruucyada ayaa bilaaban kara ugu horayn Agoosto 2021. Lacagta waa in la adeegsadaa lana soo gudbiyaa xisaab celinteeda ugu danbayn Juun 30, 2023.
- Waxaa jira shardiga deeqda oo dhan 25%. Tusaale: \$40,000 oo deeq ah + \$10,000 dulsaar ah = \$50,000 oo wadarta guud ee miisaaniyada ah.

Xog ku saabsan Kahortaga Wasakhda

Dib u warshadaynta iyo qashin gubida ayaa wanaagsan. Laakiin inaad wax qashin ah abuurin marka koobaadba ayaa kasii fiican!

Waxkasta oo aan iibsano ama adeegsano waxay ku biloowdaan adeegsiga khayraadka si aan u samayno badeecad u baakadayno, u rarno, u adeegsano, aana kadib dib ugu warshadayno, gubno, ama xabaalno. Dhammaan talaabooyinka waxay leeyihiin saamayno waawayn oo ku dhacaaya hawada aan neefsano, biyaha aan cabno, iyo ciida aan cuntada ku beerano.

Waxaan ka hortagi karnaa qashinka anagoo:

- iibsanayna oo adeegsanayna waxyar
- samaynayna ama iibsanayna badeecooyin muddo dheer jiraaya
- iibsanayna waxyaabo la isticmaalay
- adeegsanayna bakaadayn yar
- dooranayna inaan dayactir iyo dib u adeegsi ku samayno
- la wadaagayna, ku deeqayna, ama dib u iibinayna agabka si dadka kale markale u adeegsadaan
- uga shaqaynayna oo adeegsanayna qashinka cuntada iyo fagaaga ee meesha yaala

Markaan qaadno tallaabo aan uga hortagayno qashinka, waxaan:

- kaydinaynaa lacag anagoo iibsanayna oo adeegsanayna waxyar
- waxaan caawinaynaa bulshadeena anagoo ugu deeqayna lana wadaagayna agabka
- yaraynaynaa sunta hawada iyo biyaha oo waxyeelo ku ah caafimaadka aadanaha iyo duurjoogta
- dhaqaalaynaynaa khayraadka dabiiciga ah, sida biyaha, tamarta, dhulka, iyo shidaalka.
- yaraynaynaa gaaska hawada wasaqeeya oo keenaaya isbadalka cimilada

Shuruudaha barnaamijka/mashruuca

Codsiyadu waa inay buuxiyaan shuruudaha soo socda si loo codsado:

1. Nashaadaadku waa inay ka hortagaan qashinka.

Nashaadaadka soo socda uma qalmaan lacagta deeqda ah:

- Dib u warshadaynta
- Qashin gubida ka baxsan goobta (looga shaqeyay laguna isticmaalay meel kale)
- Adeegsiga alaabaha dib loo warshadayn karo iyo kuwa la gubi karo
- Nashaadaadka qashin aruurinta ee aan diirada saarayn kahortaga qashinka
- Saamiyada baaskiilka iyo saamiyada gaariga

2. Nashaadaadka waa in lagu sameeyaa gudaha Magaalada Seattle ama ay saamayn toos ah ku leeyihiin qashinka ka jira Seattle. Dadka codsanaaya way deganaan karaan banaanka Seattle, haddii mashruucu diirada saaraayo Seattle.

Arag qariirada Xaduudaha Magaalada Seattle: <http://clerk.ci.seattle.wa.us/~public/nmaps/fullcity.htm>

3. Nashaadaadka waa in lagu sameeyaa mid kamid ah qaybaha soo socda:

Qaybta 1 aad: Nashaadaad cusub/La balaariyay oo Looga Hortagaayo Qashinka

Codsiyada ku salaysan nashaadaadka cusub ama la balaariyay ee kahortaga qashinku waa inay leeyihiin mid kamid ah ama ka badan aagaga soo socda ee diirada la saaraayo:

Hal abuurka	Wada shaqaynta Bulshada	Faa'iidooyinka Bulshada
<p>Tijaabinta ama balaarinta qaabab cusub, abuurista tignooloojiyad cusub, ama abuurista fursadaha kahortaga qashinka oo cusub oo laga abuurto Seattle.</p> <p><u>Tusaalayaasha mashruucyada hore oo sameeyay:</u></p> <ul style="list-style-type: none"> • in lagala shaqeeyo maqaayadaha samaynta dookhyada agabka cuntada lagu qaato oo dib loo isticmaali karo oo la siiyo macaamiisha • muujinta kiiska ganacsiga ee adeegsiga alwaaxa horay loo isticmaalay loo adeegsado dhisme cusub 	<p>In si waxtar leh loola shaqeeyo bulshada aan caddaanka ahayn, soo galootiga, qaxootiyaasha, danyarta, dadka naafada ah, waayeeelka, dadka qaangaarka ah ee da'yarta ah, dhalinta, carruurta, iyo/ama ganacsiyada yaryar.</p> <p><u>Tusaalayaasha mashruucyada hore oo sameeyay:</u></p> <ul style="list-style-type: none"> • shaqaalaysii dadka waayeeelka ah si ay uga qaybgalaan munaasabadaha dayactirka bulshada • ka caawi ganacsiyada yaryar badbaadinta lacag ayagoo ka hortagaaya qashinka 	<p>Ka caawi bulshooyinka Seattle, sida bixinta khayraad bilaash ah ama qiimo jaban ama tababarka shaqada ee dadka hooy la'aanta ah iyo bulshada danyarta ah.</p> <p><u>Tusaalayaasha mashruucyada hore oo sameeyay:</u></p> <ul style="list-style-type: none"> • shaqaalaysiinta haweenka soo galootiga ah iyo qaxootiga si loo abuurto loona gado agabka guriga ee laga sameeyay qashinka dharka • kasoo aruuri cuntada aan qurmin kiraysteyaasha guryaha marka ay ka guuraan kadibna ugu deeq kaydada cuntada ee deegaanka

Qaybta 2 aad: Taageerada Soo Kabashada COVID ee Barnaamijyada Joogtada ah ee Kahortaga Qashinka, Mashruucyada, iyo Shaqooyinka

Mareegta deeqda 2021-23 kaliya, SPU waxay kordhinaysaa barnaamijka deeqda ah si loo maal geliyo barnaamijyada socda ee kahortaga qashinka, mashruucyada, iyo shaqooyinka uu saamaynta ku reebay COVID. Taageeradaan waxaa loogu talagalay in lagu caawiyo sii wadista ganacsiyada diirada saara kahortaga qashinka iyo ururada dhibaataada dhaqaale kala kulmaaya COVID.

Qofkee ayay tahay inuu codsado

SPU waxay dhiiri gelinaysaa codsiyada ka yimaada:

- | | |
|--|--|
| <ul style="list-style-type: none"> • Ganacsiyada • Ururada khayriga ah • Kooxaha bulshada iyo xaafada • Dugsiyada, kuleejyada, iyo jaamacadaha | <ul style="list-style-type: none"> • Xarumaha (sida daryeelka caafimaadka iyo guriyaynta) • Ururada ku salaysan diinta • Barnaamijyada dhalinta iyo carruurta |
|--|--|

Codsadayaasha ayaa gudbin kara wax ka badan hal codsi laakiin waxay kaliya u qalmaan inay helaan hal abaalmarinta deeqda ah.

Dhammaan codsada ayaa inay haystaan ruqsadaha ganacsiga ee Gobalka Washington iyo Magaalada Seattle si ay u helaan lacagta deeqda ah, ama ku shaqeyda ayagoo usoo maraaya Wakiilka Dhaqaalaha oo leh ruqsadii laga rabay. Wakiil Dhaqaale ayaa qaata masuuliyada qaadashada iyo maamulida lacagta deeqda mashruucaaga lagu bixiyo.

Xogta ruqsada ganacsiga ee Magaalada Seattle: <https://www.seattle.gov/licenses/get-a-business-license/cost-of-a-business-license>.

Xogta ruqsada ganacsiga ee Gobalka Washington: <http://bls.dor.wa.gov/faqlicense.aspx>

Dib u codsashada

Codsadayaashu waxay dib u codsan karaan deeqda mareeg kasta oo maal gelin ayagoo:

- Dib u codsanaaya mashruuc aan lagu siin maal gelin dhaqaale. Waxaan ku talinaynaa in aad nalasoo xariirto si aad u ogaato sida aad kor ugu qaadi karto codsigaaga mareegta xigta ee maal gelinta.
- Ayagoo ku codsanaaya fikir mashruuc oo cusub.
- Ayagoo codsanaaya balaarinta mashruuc horay loogu maalgashay ama dhaqan gelinaaya wajiga labaad. Codsigu waa inuu muujiyaa inuu kordhinaayo kahortaga qashinka.

Shuruudaha Maal gelinta iyo Magdhawga

MAAL GELINTA:

- Waxaa loo diyaariyay lacag wadarta guud ay tahay \$200,000 oo lagu bixinaayo mareegtaan deeqda.
- Codsiyada deeqda ayaa u dhaxayn kara \$3,000 illaa \$40,000. SPU ayaa xaq u leh inay ku bixiso deeqda cadad yar ama cadad wayn.
- Maal gelinada deeqda ah waxaa lagu bixin doonaa qaab magdhaw ah, ayadoo lagu salaynaayo dhamaystirka hiigsiyo gaar ah oo lagu aqoonsaday heshiiska deeqda.
- Lacagta maal gelinta waa in la adeegsadaa lana soo gudbiyaa xisaab celinteeda ugu danbayn Juun 30, 2023.

SHURUUDAHA MAGDHAWGA:

- Magdhawgu waa inuu noqdaa ugu yaraan 25% codsiga deeqda (25 senti halkii doolar kasta oo magaaladu bixiso). Tusaale: \$40,000 oo codsiga deeqda ah + \$10,000 dulsaar ah = \$50,000 oo wadarta guud ee miisaaniyada ah.
- Qaybaha magdhawga ayaa noqon kara nooc kale ama kaash.
- Khayraadka Magaalada Seattle sida waqtiga shaqaalaha Magaalada, xarumaha Magaalada ee la adeegsaday, iyo/ama Maal gelinta kale ee Magaalada ayaa loo aqoonsan karaa qayb kamid ah magdhaw.

QIIMAHA QARASHKA:

Kuwa soo socda waa tusaalayaasha qarashaadka aad kusoo dari karto codsigaaga deeqda mashruuca iyo lacagta magdhawga ah:

- Waqtiga shaqaalaha (waxaa ku jiri kara madax tiris)
- Mushaarka iyo caawimaadaha kale ee ka qaybgalka
- Waqtiga mutadawaca ee aan mushaarka lagu bixin (oo lagu qiyaaso \$33.02/saacadii ayadoo lagu salaynaayo Qiimaha Qaybta Madaxa Banaan ee Waqtiga Mutadawaca ee Gobalka Washington)
- Agabka, alaabaha, iyo qalabka
- Adeegyada sida turjumaada, daabacaada, iyo naqshadeynta
- Kirada xarumaha
- Cuntada iyo cabitaanka nashaadaadka mashruuca, marka laga reebo cabitaannada khamriga
- Socdaalka iyo baakinka (oo lagu qiimaynaayo qiimaha socdaalka ee federaalka ee hadda)
- Qarashka wakiilka dhaqaalaha (oo dhan illaa 10% codsiga deeqda)

Qandaraaska iyo Qarashka

QANDARAAS BIXINTA:

- Dadka lacag loogu deeqo ayaa maarayn kara lacagta deeqdooda ama adeegsan kara Wakiilka Dhaqaalaha. Dadka maal gelinta la siiyo ee doorta inaysan adeegsan Wakiilka Dhaqaalaha waa inay keenaan lambarkooda aqoonsiga canshuurta ayna raacaan xeerarka Internal Revenue Service (Adeegga Dakhliga Gudaha).
- Qof kasta oo maal gelinta qaata ama Wakiilka Dhaqaaluhu waa inuu saxiixaa heshiis uu la galaayo SPU si loo siiyo maal gelinta deeqda. Heshiiska waxaa ku jiraaya shuruudo iyo xeerar dheeraad ah oo deeqda ku xiran.
- Deeqdu waxay soo magaysaa qarashka shaqooyinka mashruuca ee dhacay kadib marka aad heshiis la saxiixatay Magaalada.

WAKIILADA DHAQAALAHA:

- Codsadayaasha ayaa dooran kara inay ku shaqeeyaan Wakiilka Dhaqaalaha oo qaadanaaya masuuliyada qaadista iyo maamulida dhaqaalaha deeqda ee mashruuca.
- Codsadayaasha ayaa masuul ka ah aqoonsiga Wakiilkooda Dhaqaalaha iyo xaqiijinta in Wakiilka Dhaqaaluhu haysto ruqsadaha ganacsiga oo shaqaynaaya ee Gobalka Washington iyo Magaalada Seattle.
- Wakiilka Dhaqaalaha ayaa kaa qaadi kara lacag dhan 10% lacagta deeqda. Codsadayaasha ayaa ku dari kara qarashkaan codsiga ah deeqda ama u codsan kara magdhaw ahaan.

SHURUUDAHA CAYMISKA:

Dadka qaata deeqda waa inay lahaadaan heerarka caymiska ee ganacsiga caadiga ah oo fulinaaya shaqo lamid ah cabir ahaan iyo qaab ahaan mashruuca deeqda, aana ka hoosayn inta uu amraayo sharciga Gobalka Washington. Caymiska magdhawga shaqaalaha waa in sidoo kale la haystaa haddii sharciga Gobalka Washington uu amraayo.

QARASHKA:

Dadka deeqda qaata ayaa gudbinaaya codsiyada lacagta ayadoo lagu salaynaayo dhamaystirka hiigsiyo gaar ah oo lagu aqoonsaday heshiiska deeqda. SPU ayaa jeegaga magdhawga boostada kusoo diraysa 30 maalmood kadib marka deeq qaatuha codsiga lacagta soo gudbiyo. Lacagta ayaa dib u dhacaysa haddii codsiyada lacagtu kala dhiman yihiin ama warbixino qasab ah iyo dukumiintiyiyo ka maqan yihiin.

WARGELINTA:

- Dadka qaata deeqda waxaa laga doonayaa inay soo gudbiyaan warbixinta hormarka mar kasta oo ay lacag codsanayaan.
- Kahor inta aysan qaadan lacagta ugu danbaysa ee deeqda, dadka deeqda qaata waa inay soo gudbiyaan warbixinta ugu danbaysa oo ay ku sheegayaan natiijooyinka mashruuca iyo casharada laga bartay.

Dib u eegista Codsiga

GUDIGGA DIB U EEGISTA:

Gudigga dib u eegista deeqda ayaa ka kooban xubnaha bulshada iyo shaqaalaha Magaalada Seattle oo ka socda qoomiyado kaladuwan iyo lehna xirfado kaladuwan. Hogaamiyaasha SPU ayaa qaadan doona tallooyinka gudigga dib u eegista marka ay samaynaayan go'aanada ugu danbeeya ee maal gelinta.

SHURUUDAHA DIB U EEGISTA:

Gudigga dib u eegista deeqda ayaa muhiimada siin doona mashruucyada ayadoo lagu salaynaayo shuruudaha hoos lagu qeexay. SPU ayaa ka fiirsan doonta kaladuwanaanta goobaha, bulshooyinka saamayntu gaaraysa, iyo noocyada mashruucyada. SPU ayaa la xariiri karta codsadayaasha si ay u waydiiso su'aalo dabagal ah kahor intaan go'aanka ugu danbeeya ee maal gelinta la gaarin.

1. **Natijoooyinka Kahortaga Qashinka:** Suurtagalnimada barnaamijka/mashruuca ee ku aadan kahortaga qashinka.
 - Shaqadu waxay kahortagaysaa agabka wasaqda ah ee muhiimada sare u leh SPU (Tusaalayaasha: cuntada, dharka, caagaga halka mar la isticmaalo iyo agabka kale ee halka mar la isticmaalo ee adeegga cuntada, agabka dhismaha, xafaayadaha)
 - Cadadka qashinka shaqadu awoodo inay kahortagto, iyo saamaynada ay ku yeelanayaan bii'ada
 - Tirada dadka shaqadu awoodo inay qaabab waxtar leh u gaarto
 - Shaqada ayaa awoodi doonta inay cabirto natijoooyinka kahortaga qashinka
 - Saamaynada kahortaga qashinka ayaa sii soconaaya kadib marka deeqda lasoo afjaro
2. **Xajmiga** Suurtagalnimada barnaamijka/mashruucu guul uga gaari karo xajmiga.
 - Barnaamijka/mashruuca ayaa leh shaqaale, iskaashato, mutadawiciin, ama ilaha dhaqaalaha oo ku filan si uu u guulaysto
 - Shaqaalaha, iskaashato, iyo mutadawiciin ayaa haysta aqoonta, xirfada, khibrada, iyo xariirada muhiimka ah
 - Iskaashiyada ayaa marhoraba la adkeeyay, haddii loo baahdo
3. **Miisaaniyada:** Suurtagalnimada barnaamijka/mashruucu guul ku gaari karo marka loo fiiriyo miisaaniyada la codsaday.
 - Miisaaniyadu waxay waafaqsan tahay cadadka lasoo jeediyay
 - Qiyaasaadka miisaaniyadu waa sax
 - Dhammaan qarashaadku waa kuwo ku habboon deeqda
 - Cadadka la codsaday waa mid ku habboon natijoooyinka la filaayo
4. **Qaybta 1 aad oo Kaliya: Shaqooyinka Cusub ama La balaariyay ee Kahortaga Qashinka – mashruucyada waa in lagusoo daraa mid ama ka badan aagaga diirada la saaraayo si loo helo maal gelin**

Hal abuurka: Adeegsiga mashruuca ee qaabab ama farsamooyin casri ah oo cusub.

- Mashruucu waa inuu hal abuur kusoo kordhiyo aaga Seattle
- Mashruucu wuxuu leeyahay fursad mashruucyo kale ku badali karaan gudaha Bulshada Seattle
- Mashruucu waxa uu leeyahay fursad lagu kordhiyo si uu saamayn wayn ugu reebo Seattle
- Mashruucu wuxuu qaababka iyo natijoooyinka la wadaagayaa bulshada

Wada shaqaynta Bulshada: Waxtarka mashruucu u leeyahay inuu si waxtarleh ugala shaqeeyo bulshada kahortaga qashinka.

- Mashruucu wuxuu u adeegayaa bulshooyinka muhiimada sare u leh SPU (bulshada aan caddaanka ahayn, soo galootiga, qaxootiyaasha, danyarta, dadka naafada ah, waayeelka, dadka qaangaarka ah ee da'yarta ah, dhalinta, carruurta, iyo/ama ganacsiyada yaryar)
- Mashruucu wuxuu adeegsan doonaa xeeladaha wada shaqaynta waxtarka leh ee macaamiisha
- Mashruucu wuxuu door ka siinayaa bulshooyinka saamayntu soo gaarayso qorshaynta iyo dhaqan gelinta mashruuca

Faa'iidooyinka Bulshada: Muhiimada mashruuca ee u faa'iidaynta bulshada.

- Mashruucu waxa uu faa'iido u leeyahay dadka ugu baahida badan (sida dadka hooy la'aanta ah iyo bulshooyinka danyarta ah)
- Faa'iidooyinka la aqoonsaday ayaa muhiim u ahaan doona bulshooyinka saamayntu ku dhacayso (sida bixinta khayraad bilaash ah ama qiimo jaban ama tababarka shaqada ee dadka danyarta ah)

5. **Qaybta 2 aad oo Kaliya: Taageerada Soo Kabashada COVID ee Barnaamijyada Joogtada ah ee Kahortaga Qashinka, Mashruucyada, iyo Shaqooyinka**

- Baahida loo qabo shaqooyinka kahortaga qashinka oo socda ayaa kordhay intii lagu jiray COVID, sida gurmada cuntada, ama shaqooyinka kahortaga qashinka ee joogtada ah ayaa khatar u galay in la joojiyo, la yareeyo, ama la iska dhaafo sabab la xariirta dhibaato dhaqaale oo uu keenay COVID
- Maal gelinta deeqdu waxay saamayn wayn ku reebi doontaa ka caawinta codsadaha sii wadista shaqooyinka kahortaga qashinka
- Bulshada ayaa ka faa'iidi doonta sii wadista shaqooyinka joogtada ah ee kahortaga qashinka

Hanaanka Codsiga

JADWALKA:

Muddada Codsiga	Abriil 16, 2021
Ogaysiiska Go'aanada	Bartamaha Juun
Heshiisyada lala saxiixdo Magaalada (mashruucyada ayaa bilaaban kara)	Agoosto 2021
Shaqada la Dhameeyay ee Qarashkeeda La codsaday	Marka la gaaro Juun 30, 2023

TALLAABOYINKA CODSIGA:

Talaabada 1 aad: Akhri Tilmaamaha oo daawo Muuqaalka Tilmaamaha Deeqda kahor intaadan codsiga buuxin.

Talaabada 2 aad: Nalaso xariir si aad u xaqiijiso in mashruucaagu u qalmo deeqda aadna u hesho talada mashruuca.

Talaabada 3 aad: Buuxi Codsiga Daabacan [ama](#) Muuqaalka ah (ha samayn labadaba).

- Codsiyada Daabacan waa inaysan [ka badan 7 bog](#).
- Codsiyada Muuqaalka ah waa inaysan [ka badan 15 daqiiqo](#).
- Codsiyada waa inaad kusoo gudbisaa luuqada aad doonayso. SPU ayaa samaynaysa turjumaad/fasiraad.

Talaabada 4 aad: Buuxi Foomka Miisaaniyada.

Talaabada 5 aad: Gudbi codsigaaga deeqda iyo dukumiintiyada kaabaaya marka la gaaro 5:00 PM bisha Abriil 16, 2021. Wac (206) 233-2534 haddii aadan helin xaqiijinta iimeelka 2 maalmood oo kuwa shaqada ah gudahood.

Nalaso xariir

La xariir wastefreegrants@seattle.gov ama (206) 233-2534 si lagu siiyo caawimaad ku baxaysa af Ingiriis ama luuqado aan ku qornayn hoos.

Si aad u hesho caawimaad lagu bixinaayo luuqadaha soo socda, la xariir iskaashadaheena, Environmental Coalition of South Seattle (ECOSS, Isbahaysiga Bii'da ee Koonfurta Seattle) oo aad ka helayso ghan@ecoss.org ama (206) 767-0432. SPU ayaa maal gelisa ECOSS si ay u bixiso talada luuqada mashruuca ee codsadyaasha deeqda.

- Amxaari
- Cantonese
- Korean
- Mandarin
- Soomaali
- Isbaanish
- Tigrigna
- Vietnamese